

CIVIL ENGINEER ENTREPRENEUR DAY (CEED) 2020

Oleh: Noor Syafeekha Mohamad Sakdun dan Hafizah Muhamad Azlan


Fakulti Kejuruteraan Awam (FKA) dengan kerjasama *Malaysian Academy of SME & Entrepreneurship Development (MASMED)* UiTM Cawangan Pulau Pinang telah mengadakan satu siri webinar dan forum berkenaan perniagaan dan keusahawanan dalam bidang industri pembinaan kepada jurutera-jurutera dan pelajar-pelajar tahun akhir Ijazah Sarjana Muda Kejuruteraan Awam (Infrastruktur) (EC221). Program yang bertajuk *Civil Engineer Entrepreneur Day (CEED) 2020* ini telah berlangsung selama dua hari iaitu pada 30 November dan 1 Disember 2020 dengan menjemput seramai 10 orang panel (secara bergilir) industri dan alumni UiTM bagi 7 siri Modul. Pada petang hari kedua, satu sesi forum berkenaan keusahawanan dalam bidang kejuruteraan awam telah diadakan sebagai sesi penutup program.



Gambar 1: Moderator Bersama Panel Semasa Sesi Berlangsung



Gambar 2: AJK Di Sebalik Tabir Ketika Program Sedang Berlangsung



Gambar 3: Barisan AJK Yang Terlibat

Menariknya, program yang julung kalinya diadakan secara atas talian ini, telah mendapat kerjasama penuh dari panel-panel industri yang dijemput khas untuk memberikan ceramah mengenai kepakaran dalam bidang masing-masing seperti ilmu dan kemahiran keusahawanan, kerjasama dan bantuan yang ditawarkan serta kata-kata motivasi dalam cabaran yang dihadapi dalam bidang keusahawanan. Antara panel dari industri luar yang terlibat adalah Dato' Ir Dr Goh Teik Cheong dari *Institute Engineers Malaysia (IEM)* Pulau Pinang, Encik Jefri Bin Sharuddin dan Puan Masyitah Binti Mohd Mokhtar dari Lembaga Pembangunan Industri Pembinaan (CIDB) Pulau Pinang, Encik Baharuddin Bin Sulaiman dari Majlis Amanah Rakyat (MARA), Encik Ahmad Saiful Rizam Bin Che Omar dari Pusat Khidmat Kontraktor (PKK), Puan Zuraida Binti Abdul Majid dari Suruhanjaya Syarikat Malaysia (SSM) seterusnya Encik Mohamad Hazwan Bin Saaid Mohd Ridzuan, Encik Mohd Firdaus Bin Ahmad Termizi dan Ir. Zulfairul Bin Zakariah wakil dari alumni UiTM. Program ini telah dipancarkan sepenuhnya menggunakan media sosial *Facebook* Pusat Pengajian Kejuruteraan Awam dan *UiTM Youtube Channel* (untuk sesi forum).

Pengarah program CEED, Ts. Mohd Samsudin Bin Abdul Hamid telah mensasarkan objektif bagi program ini sebagai memenuhi salah satu keperluan *Program Educational Outcome (PEO)* bagi melahirkan usahawan dalam kalangan mahasiswa. Latihan dan peluang yang disediakan ini dijangka akan dapat meningkatkan penglibatan mahasiswa untuk lebih aktif dalam bidang perniagaan khususnya di dalam bidang kejuruteraan awam selepas tamat belajar untuk menjana pendapatan.

Program ini juga telah berjaya menarik ramai penyertaan dari pelajar, pensyarah serta dari organisasi luar. Daripada maklumbalas positif yang diterima, ianya bakal dijadikan program tahunan kepada pelajar tahun akhir EC221. Sijil kehadiran digital juga telah diberikan sebagai bukti penyertaan para pelajar dan peserta luar yang telah menghadiri program ini. Terima kasih yang tidak terhingga diucapkan kepada Dr. Haji Anas Bin Ibrahim, Ketua Pusat Pengajian FKA serta Dr. Suria Binti Sulaiman, Koordinator MASMED UiTM Cawangan Pulau Pinang diatas kepercayaan tinggi yang telah diberikan kepada pasukan CEED menjayakan program keusahawanan ini.